

(Hanya untuk orang bukan Islam)

Elder Dieter F. Uchtdorf berucap kepada pemuda-pemudi di Asia Pasifik

Dari [Berita Gereja](#)

Elder [Dieter F. Uchtdorf](#) dari Kuorum Dua Belas Rasul Gereja Yesus Kristus Orang Suci Zaman Akhir, ditemani oleh isterinya, Sister Harriet R. Uchtdorf, berucap kepada para ahli Gereja di Asia, Asia Utara, Pasifik dan Kawasan Filipina pada hari Ahad, 9 Januari 2022.



Pertemuan rohani itu menampilkan nasihat kepada semua ahli, dengan tumpuan khusus kepada para ahli remaja dan pemuda-pemudi berumur 12-30 tahun.

Pesanan tersedia dalam bahasa tempatan, di YouTube atau laman web Siaran Langsung Gereja, ChurchofJesusChrist.org/broadcasts.

Berikut adalah ringkasan pertemuan rohani tersebut:



Elder Uchtdorf bertanya dan berkongsi jawapan kepada tiga soalan:

1. Mengapakah kita memerlukan bantuan Tuhan?
2. Adakah Tuhan masih membantu anak-anak-Nya?
3. Bagaimanakah kita boleh menggunakan sumber kuasa ilahi Tuhan?

“Tuhan Bapa Syurgawi kita, mengenali kita secara peribadi, berminat tentang setiap kita, dan mengambil berat tentang kesejahteraan dan kemajuan kita,” katanya. “Dan Bapa Syurgawi sentiasa ada untuk kita. Bukankah itu menakjubkan dan mengagumkan?”

Elder Uchtdorf berkongsi bahawa dia telah melihat bantuan Tuhan berkali-kali dalam kehidupannya sendiri.

“Fikirkan saja, makhluk yang paling berkuasa dan berkemampuan di alam semesta mempunyai tujuan terbesar-Nya untuk membimbing anda, anak-anak-Nya, dan menyediakan jalan bagi mereka untuk suatu hari nanti hidup bersama-Nya dalam kemuliaan sepanjang keabadian,” kata Elder Uchtdorf.

Elder Uchtdorf menggalakkan penonton untuk berlabuh di batu Yesus Kristus, tahu bahawa mereka diperlukan dan untuk “percaya kepada Tuhan bahawa Dia akan membimbing anda.”

Untuk menonton siaran penuh, sila klik di sini: <https://youtu.be/fqQfE1g-WqY>

